




AfriForum

Kwabo kagwala akula sililo

IZELULEKO ZOKWENZA ISEMBESAMLOMO (kanye lomfanekiso wokusenza)

UMFANEKISO WESEMBESAMLOMO



ILEMBU

Inhloso yesembesamlomo yikuvimbela amathonsi amathe alegcikwane leCoronavirus ukuthi angafinyeleli kwabanye abantu. Kodwa ke kufanele wanelise ukuphefumula kalula nxa usifakile. Ilembu langaphandle liba ngelotshinda njengelembu lesikhipha, noma ilembu lokuthawula imiganu. Isembesamlomo singenziwa ngelembu lenayiloni kodwa ke ngelembu elinjalo sisuka

singakulungelanga ukuvikela kakhulu ngoba inayiloni ilula kakhulu ukuthi ikhuphe amathonsi amathe.

Ilembu elifakwa ngaphakathi kufanele libe ngelibuthakathaka, elingeke likuzwise ubuhlungu nxa ufake isembesamlomo sakho. Umhlobo wotshinda olulula ngelinye lamalembu angasetshenziswa ngaphakathi kwesembesamlomo.

Sebenzisa intambo enanabukayo elobude obuyi150 mm kusiya ku180 mm ebuya ibe Phakathi kwe4 mm kusiya ku6 mm ububanzi ukubambisa isembesamlomo sakho ezindlebeni.

Intambo ezinanabukayo ezisetshenziswa ngomama ukubopha inwele zabo lazo zingasetshenziswa ukubambisa isembesamlomo.

IZELULEKO ZOKUTHUNGA ISEMBESAMLOMO

INYATHELO LOKUQALA: SIKA ILEMBU


Dweba umfanekiso ube ususika isilinganiso osifunayo. Qinisekisa ukuthi udweba ngokwezilinganiso ezibekiweyo. (Sebenzisa ubude obukhonjisiweyo ngokwe silinganiso sesilevu).

Goqa ilembu elingaphandle lokwenza isembesamlomo sakho kabili ube usunamathisele umfanekiso wakho phezulu kwalo. Sika ilembu lakho ulandela umfanekiso lo,

kodwa utshiye isikhala esengezelelweyo esiyi6mm sokuthunga kwanele amakhala, silevu lemihlathi kanye le25 mm engezelelweyo duzane lendlebe. Ngokwenza njalo uzaba lengxenye ezimbili ezangaphandle kwesembesamlomo.

Goqa ilembu lakho kabili unamathisele umfanekiso wakho kulo. Sika ilembu lakho ulandela njalo umfanekiso, utshiye njalo

i6 mm, inxa zonke zone ukuze wanelise ukuthunga. Ngokwenza njalo uzoba lengxenye ezimbili zelembu lokuthunga isembesamlomo.



INYATHELO LESIBILI: THUNGA UMHUNGO OPHAKATHI LENDAWO

Beka ingaphandle yelembu lakho langaphandle ngapha langapha ubususithunga umhungo ophakathi lendawo ozoqondana lekhala.

Yenza okufanayo lakulelilembu langaphakathi.



INYATHELO LESITHATHU: CINDEZELA UMHUNGO OPHAKATHI LENDAWO

Cindezela umhungo ongaphakathi lendawo uvuleke. Ungawucindezela nge ayini lomhungo njalo ukuze uvuleke..



INYATHELO LESINE: HLANGANISA ILEMBU LAKHO LANGAPHANDLE LELANGAPHAKATHI UWATHUNGELE NDAWONYE.

Vula ilembu lakho langaphandle kuthi ingxenye yalo yangaphandle ibengaphezulu. Beka ilembu lakho langaphakathi phezulu kwaleli elangaphandle, ingxenye yalo yangaphandle ibengaphansi kuqondane kahle futhi kulingane.

Goqela ngaphakathi ilembu

lakho kancane okungaba yisilinganiso esiyi4 mm ube suthunga phezulu.

Bamba uhlanganise lapho okuhlala khona isilevu lemihlathi ngenalithi ube usuthunga.

Tshibilikisa isembesamlomo sakho usikhangelise phansi kuthi ingxenye yangaphandle ibe ngaphandle.

Cindezela noma uayine umthungo wangaphakathi uvuleke. Thunga lezindawo zesilevu lasezihlathini kubukeke.



INYATHELO LESIHLANU: FAKA INTAMBO ENANABUKAYO YOKUBOPHA

Beka isembesamlomo sakho kuthi ingaphandle yaso ibe ngaphansi.

Beka intambo yakho enanabukayo ibe yi10 mm ukusuka emva kwendlebe kulembu lakho langaphandle kweyinye ingxenye yesembesamlomo sakho.

Goqa i3 mm yelembu lakho langaphandle kube ngaphezulu kwentambo yakho. Umphetho wakho lo obuyi3 mm kumele usale usuyi5 mm ngasendlebeni.

Thunga uphindelela emphethweni yakhona ukuze kuqine. Nxa sekuthungiwe,

kumele kusale isimo esinjengempompi ukuze intambo yakho ihlale ngokukhululeka.

Qinisekisa ukuthi awuthungeli ilembu lakho langaphandle lelangaphakathi ndawonye njengoba lendawo esele ngaphakathi isazobuya isetshenziswe ukufaka okunye okokuvikela phezulu.

Thunga uhlanganise intambo yakho kuthi nxa uthanda ehlanganiswe khona kungene phakathi kwalesi isimo esiyimpompi.

Yenza ngokufanayo njalo lakweyinye ingxenye yesembesamlomo sakho.

Nxa usebenzisa intambo ezisetshenziswa ngomama ukubopha inwele, thunga imiphetho yazo phezulu komphetho wesembesamlomo sakho inxa zombili, noma nje ngaphansi kwalesi isimo esiyimpompi inxa zombili (lokhu kungenxa yokuthi lezintambo zimfitshane kakhulu ukusetshenziswa kahle).



INYATHELO LESITHUPHA: SEBENZISA ISEMBESAMLOMO SAKHO


Gqoka isembesamlomo sakho, ilembu langaphandle libengaphandle udonse intambo yakho iyebambelela emuva kwendlebe zakho zombili.

Isembesamlomo sakho kufanele singene ngaphansi kwamehlo sivale kahle isilevu lezihlathi.

Isembesamlomo sakho ungasifaka njalo ucezu lwephepha lokwesula izandla phezulu kwelembu langaphakathi ukwengezelela amathuba okuvikeleka.

Nxa ukhumula isembesamlomo sakho, khupha intambo yakho endlebeni zakho ngaphandle kokubamba ingaphambili yaso.

Susa iphepha lokwesula izandla elingaphakathi ulilahle, uhlanze isembesamlomo sakho ngamanzi alesepa usichaye elangeni some. Geza izandla zakho lawe ngemuva kwalokho.



Qiniseka ukuthi umfanekiso wakho uwudweba njengokwezeluleko. Ububanzi bomphetho wasesilevu kufanele ube yi105 mm.

Sibonga ku: <http://www.craftpassion.com> ngomfanekiso laku
<https://freesewing.org/docs/patterns/fu/instructions/> ngezeluleko.